

# اسم الله القريب | الجزء 20 ) | #فإني\_قريب | د. حازم

## شومان

حازم شومان

الله وبركاته الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليك يرجع كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد اخواني واحبابي في الله - [00:00:00](#)

اه لما الصحرا دخلوا على فرعون وفرعون اراد ان هو يدوهم دافع جبار من اجل ان هم يقفوا بصمود ويحاربوا موسى وينتصروا على موسى. قال لهم ايه؟ قال لهم انكم اذا لمن المقربين. يا سلام! هبقى قريب منكم وهتبقوا قريبين مني. ده كان دافع لانقلاب الصحراء. بالنسبة لفرعون كان دافع - [00:00:40](#)

الصحرا يعملوا كل حاجة. يعني اذا كان الناس ممكن يعملوا اي حاجة عشان يشتروا القرب من المخلوق. عشان يشتروا القرب من ملك من الملوك. امال القرب من الله سبحانه وتعالى - [00:01:00](#)

قريب. سبحانه وتعالى. يعني فيه اسماء من اسماء الله الحسنى تديك سعادة. انما فيه اسماء ما كانش ينفع تعيش من غيرها اصلا. اسم الله القريب من غيره انت تموت يعني كان في حالة في المستشفى يعني بنت شابة ومريضة جدا ومامتها قاعدة جنبها على طول والبنت كان عندها سرطان يعني وبتموت وكده - [00:01:10](#)

فمامتها يعني لو راحت حته كده البيت انت رحت فين؟ هي مش قادرة تتخيل انها تقدر تقعد دقيقة من غير ما امها تكون جنبها اصلا. من غير ما امها تبقى - [00:01:30](#)

الطيبة منها من غير ما دكتور يبقى قريب منها. هي حاسة بالوضع اللي هي فيه. فانت انت في الغابة اللي انت عايش فيها دي. انت في الدنيا الرهيبة انت عايش فيها اللي مليانة هموم ومليانة احزان ومليانة مخاوف ومليانة انت ما تقدرش تعيش من غير ما ربنا يبقى قريب منك. عارفين سيدنا ابراهيم فلما افل قال لا احب - [00:01:40](#)

ما اقدرش ما ينفعش ربنا يبقى زي الشمس بيطلع بالنهار وبالليل اروح فين انا؟ ما ينفعش ربنا يبقى زي القمر بيطلع بليل وبالنهار لو حصل لي مشكلة اضيع اروح في مصيبة ما ينفعش ربنا يغيب عني لحزة ما ينفعش. ما ينفعش ربي ما يبقاش نوره في حياة اربعة وعشرين ساعة. ما يبقاش قريب مني اربعة - [00:02:00](#)

اربعة وعشرين ساعة رح في مصيبة انا. لو يعني الله لا اله الا هو الحي القيوم لا تأخذه سنة ولا نوم. لو ربنا مش قريب ويونس في بطن الحوت مصيبة. لو ربنا تأخذه سنة ونوم او نوم وسيدنا محمد في الغار كاتبات مصيبة. كانت بقت كارسة ما ينفعش. فاسم الله - [00:02:20](#)

قريب انت من غيره تضيع اصلا. ومن غير استشعاره انت تضيع. فيا رب يا رب صلنا اليك يا رب. يا رب لا تحرمنا من خير بما عندك بسوء ما عندنا. يا رب لا تحرمنا من صلتك ومن قربك بذنوبنا يا رب العالمين - [00:02:40](#)

عايزين نتكلم عن معاني اسم الله القريب ومعاني اسم الله القريب كثير. ولكن يعني ايه نبدأ ناخذها واحدة واحدة كده. يعني اول معنى عايزين ناخده في اسم الله القريب - [00:02:57](#)

آّ اللي عارف بك اللي عالم بك وعالم بحالك وعلم بالهموم اللي جواك وانت قاعد دلوقتي قال تعالى تعلم ما في نفسي ولا اعلم ما في

نفسك تعلم ما في نفسي. مش موجودة دي خالص. ما حدش عالم بك. ولا حد حاسس بك. انت قاعد دلوقتي في المسجد ما حدش حاسس بك. يجب ان توقن بهذا. ولا اللي معك في البيت - [00:03:07](#)

ولا صحابك ولا يعني الواحد يضحك كده لما نبقى مسلا ماشيين مع بعض فواحد يتكلم عن مشكلة عندي يقوم الثاني ردد بمشكلة ليه هو يقوم الثالث ردد المشكلة هو البشر ضعفاء غلابة. ما حدش عالم بك غير ربنا سبحانه وتعالى - [00:03:30](#)

اللي عارف بك. عشان كده تحس في كلام ربنا ان هو عالم بك. يعني حتى في الفاتحة اهدنا الصراط المستقيم. مش اهدنا الى اهدنا الصراط يا رب اللي قال الكلمة دي هو عالم بضعفك. انت في خاط اي خطوة لو اتسبت لوحدك ممكن تضيع. وممكن اهدنا الصراط يعني طول الطريق. دي كلمة - [00:03:45](#)

الاعمى الاعمى يقول اهدني الطريق مش اهدني الى الطريق. انا لو قلت لي يمين في شمال ما اعرفش يعني ايه يمين في شمال. انت خليك معي خطوة بخطوة. اهدنا الصراط - [00:04:05](#)

الى هنا حزف اعجازي. اهدنا الصراط خليك معي طول الطريق خطوة بخطوة. فاللي قال الكلمة دي عليم بك عليم بضعفك. عليم ان انت لو السبت خطوة واحدة لوحدك اللي هيجيبك من على حبل الغسيل واللي هيجيبك من على انبوبة البوتاجاز هتودي نفسك فيه مصيبة. ما تعرفش تتساب في اختيار واحد - [00:04:15](#)

اختيار باختيارات حياتك. ما تعرفش تتساب في القرار واحد من قرارات حياتك. تودي نفسك في داهية. اهدنا الصراط المستقيم. فكل كلمة في القرآن هي كلمة اله قريب. قريب عليم بهمومك وعليم بضعفك وعليم بمشاكلك. وعليم بتشخيص مشكلتك فين؟ وحلك فين بالزبط؟ والمشكلة بتاعت - [00:04:35](#)

هنلاقي انت متشخص عند ربنا. انت صفحة بيضاء عند ربنا. بس انت محتاج انك انت تزوح له عشان يديك التشخيص بتاعك. عشان يديك الحل عليم بحالك. العليم بالحال سبحانه وتعالى. قريب قريب من جوة نفسيتك سبحانه وتعالى - [00:04:55](#)

يعني ربنا سبحانه وتعالى كلامه يعرفك ان ربنا قريب منك. فتش عن القريب في حياتك فتش عن القريب شف ربنا سبحانه وتعالى كم مرة وقف معك؟ كم مرة رد عليك؟ كم مرة انت نفسك ما كنتش فاهم حل مشكلتك ايه وربنا اللي حلها لك - [00:05:15](#)

كم مرة كان في واحد آآ يعني في السعودية وكان شاب من الشباب في الجامعة وعلى وشك الالحاد. فيقول في ليلة من الليالي وصلت لدرجة ان خلاص افكار الالحاد ما كانت من دماغي ليس بيني وبين الكفر الا ان انطق بكلمة الكفر - [00:05:32](#)

ما عايش بيني وبينه والعياذ بالله انه يبقى كافر غير انه ينطق بالكلمة بيقول خلاص اسودت من عندي تماما. وتمكنت الافكار والوساوس والشبهات من ديني. بيقول وانا الدنيا سواد في سواد قدامي. ببص لقيت المصحف قدامي في الاوضة. فجري على المصحف فبيفتح المصحف فلقى قول الله سبحانه وتعالى - [00:05:49](#)

وقل رب اعوذ بك من همزات الشياطين. واعوذ بك ربي ان يحضرون. حتى اذا جاء احدهم الموت قال رب ارجعون لحد ما وصل لله افحسبتم انما خلقناكم عبثا وانكم الينا لا ترجعون. فيقول الايات هزتني بس برضو انا كنت يعني ايه خلاص - [00:06:09](#)

انا انا كنت وصلت لمرحلة سودا. فهي جابتني من الهاوية. انما انا برضو لسة واقف جمبها. بيقول الفجر ادن. فيعني الهزة دي خلاك ينزل يصلي الفجر يرجع للصلاة تاني. فيقول نزلت الامام استفتح بعد الفاتحة فقرأ قول الله وقل ربي اعوذ بك من همزات الشياطين. واعوذ - [00:06:29](#)

اعوذ بك ربي ان يحضرون حتى وصل الى قول الله افحسبتم انما خلقناكم عبثا وانكم الينا لا ترجعون. فيقول دي كانت ايه ده انا ده انا ربنا معي. ده انا ربنا مش سايبني ده انا ربنا بيديني نفس الرسالة اللي كانت فوق ربنا بيحييها لي هنا. احساسه بقرب الله واحساسه ان ربنا بيرد - [00:06:49](#)

فين البنت اللي غير مسلمة اللي كانت آآ في القاهرة وبتقول وطلعت على سطح البيت الفجر وانا بنادي وباقول يا ربنا يا حقيقي انت مين انت ربنا اللي بيتكلم عنك المسلمين ولا انت ربنا اللي بيتكلم عنك؟ سمعت يعني يعني حاجة تطير عقلك. بتقول - [00:07:09](#)

تصدقوا ان ربنا رد علي. الكلمة دي لا انساها ابدًا. تصدقوا ان ربنا رد علي لقت الادان بيقول الله اكبر الله اكبر. فقعدت تسمع بقى شيخ

الجامع وهو بيقراً فبتقول لاءته بيقراً بقول الله ايه؟ واذ قال الله يا عيسى ابن مريم - [00:07:29](#)

انت قلت للناس اتخذوني وامى الهين من دون الله. قال سبحانه ما يكون ما يكون لي ان اقول ما ليس لي بحق. ان كنت قلته فقد علمته. تعلم ما في نفسي ولا اعلم ما في نفسك - [00:07:46](#)

فما انشاش ابدأ الكلمة بتاعتها تصدقوا ان ربنا رد علي. ربنا رد علي في الاذان وربنا رد عليها في الصلاة وفي الايات اللي سمعتها واللي كانت مفتاح دخولها في الاسلام. الشاب اللي كان قاعد وفقير ومش عارف يعمل ايه. والدنيا ضاقت في وشه والدنيا اسودت من كل ناحية - [00:08:01](#)

قدامه يعني وقعد يحاول ياكل مال حرام ويستنصح ويتكحرت وينزل الدنيا وينصب وما فيش فايده. ما فيش فايده الفقر ماسك فيه وما بيسيبوش. عمل كل حاجة ونصب وسرق ما فيش فايده. فمرة قاعد لوحده كده في الصالة كده على ترابيزة وغلبان -

[00:08:21](#)

هو سينتحر بيقول بخبط على الترابيزة وبقول انت خلقتني ليه يا رب! انت خلقتني ليه وهو بيخبط الراديو اتفتح. فاذا بالصوت من مذياع وما خلقت الجن والانس الا ليعبدون. ربنا قريب. ربنا معك بس انت اللي مش حاسس - [00:08:41](#)

وهي دي المصيبة ان ربنا قريب بس انت اللي مش فاهم ربنا قريب منك قد ايه. وربنا ممكن يغيثك قد ايه وربنا عليم بحالك قد ايه ربنا عليم بهمومك قد ايه؟ انت اللي مش عارف تستفيد من القرب ده - [00:08:59](#)

مش عارف تستفيد من قرب الله سبحانه وتعالى منك. ربنا عليم بك وقريب منك اوي اوي اوي اوي قال رسول الله صلى الله عليه وسلم ان الله مسح على ظهر ادم فاخرج منه ذريته. انت اول مش هنقول بقى - [00:09:14](#)

اول لمسة اول مسحة اتمست بها في حياتك كان من ملك الملك سبحانه وتعالى ان الله مسح عشان كده انت عندك حنين لربنا عشان كده ده الكلام ده امتى فتش عن القريب - [00:09:33](#)

عن القريب من قبل ما انت تتولد اصلا. من قبل ما انت تتخلق اصلا. من ايام ما انت يعني لولا انك كان عندك اهلية في هذه لحظة انك انت كنت تستوعب الميثاق اللي ربنا اخده عليك. ما كانش ربنا ذكرك في الاية ديت. واذ اخذ ربك من بني ادم من ظهورهم ذريته -

[00:09:48](#)

واشهدهم على انفسهم الست بربكم انت كان لك اهلية في اللحظة دي. والا ما كانش ربنا اخذ عليك هذا الميثاق. في اللحظة دي ان الله مسح على ظهر ادم فاخرج منه زريته. فاول لمسة دي او انت هتروح انت - [00:10:08](#)

اللي جواك كله بسبب اللحظة دي. الشوق اللي جواك كله لربنا بسبب اللحظة دي. اللي ضحى بروحه في الجهاد في سبيل الله وهو بيستشهد بسبب اللحظة اللي ساب الدنيا جوريج لما ساب التجارة وبنى صومعة كانت بسبب اللحظة دي - [00:10:28](#)

مجيتك المسجد الليلة بسبب اللحظة دي. الشوق اللي في قلبك كله والحنين اللي في قلبك كله. والوله اللي في قلبك كله لو خدنا اسم الله بقى وبعض العلماء قال من الوله. الوله اللي في قلبك كله لله بسبب هذه اللحظة. فتش عن القريب في حياتك. من قبل ما انت

تتولد - [00:10:45](#)

طب فتش عن القريب في دنيتك. الم يجدرك يتيما فاوى ووجدك مش انت يوم ما كنت مزنوق وما بين ست بيوت وتروح لحليمة ابوك يموت قبل ما تتولد امك وترجع لعملك عمك يموت ترجع جدك يموت ترجع لعمره ست بيوت النبي عليه الصلاة والسلام قعد يتنقل ما

بين ست بيوت ما بين حليمة وما بين - [00:11:05](#)

وما بين عمه وما بين جده عليه الصلاة والسلام ست مرات. الم يجدرك يتيما فقاوى. سبتك انا في اللحظة دي ووجدك ضالا فهدي. ايام ما كنت بتروح الغار. ونفسك توصل لطريق تنقر به الناس. وتنقر به الناس من الضلال اللي هم فيه. ووجد - [00:11:31](#)

عائلا فاغنى. لما كنت فقير ولما كنت بتعول مين اللي ما سبتكش في اللحظة دي. انت كمان فتش عن ربنا بيعلم النبي انه يفتش عن القريب في حياته. فتش عن القريب. فتش كم مرة ربنا ما سابكش؟ كم مرة ربنا ما خلاش عنك؟ كم مرة لما استغست به لقيت

اغاسته سبحانه وتعالى - [00:11:49](#)

فتش عن القريب حتى ساعة الموت. اقرب لك من كل حبايبك واقرب لك من كل اللي حواليك. ونحن اقرب اليه من حبل الوريد. كل اللي حواليك قاعدين يعيطوا عليك وخلص ولكن ما فيش اي حد يقدر يعمل لك اي حاجة. ربنا اللي يقدر يرحمك في اللحظة دي. ربنا اللي يقدر يثبتك في اللحظة دي. ربنا اللي يقدر يغيثك في اللحظة دي - [00:12:09](#)

يوم القيامة القريب حتى في القبر. القريب حتى في احوال القيامة. ان الله يدني عبده منه. ثم يدني كنفه عليه فيقره بذنوبه. فيقول له عبي فعلت كذا يوم كذا. شف القرب. ان الله يدني عبده - [00:12:29](#)

سيدني كنفه عليه. سبحانه وتعالى. فاول معنى من معاني اسم الله القريب العليم بحالك. العليم بك وعليم بك. اوعى تخسر دي. اوعى هتخسر قرب ربنا منك. اوعى ما تستفدش من قرب الله بك وعلم الله بحالك - [00:12:47](#)

المعنى الثاني من معاني القريب لسة دقيقتين طيب نقول المعنى الثاني من المعني القريب ان شاء الله بازن الله وعايز نص دقيقة كده ولا حاجة المعنى الثاني من معاني اسم الله القريب بعد العليم بحالك اقرب مغيث لك - [00:13:03](#)

اقرب مغيث لك زي ما قلنا امبارح كده زي اقرب مركز شرطة زي اقرب مستشفى زي اقرب صيدلية زي اقرب مغيث لك سيدنا يونس راكب السفينة وهربان من قومه فجأة يتعمل قرعة يلاقي هو اللي الدور عليه اترمی. يتعاملوا قرعة تانية هو الدور عليه يترمى.

يعملوا قرعة تالته هو خلاص شالوه في الاخر. تخيل نبي - [00:13:21](#)

بيتشال من ايديه ورجليه ويترمى في الماية انت متخيل اما يهون اما تهون على الناس للدرجة دي اما اهل الدين يهونوا على الناس للدرجة دي. زي سيدنا لوط كده وهو قاعد يزق الباب والشباب بتوع بلد والعباد بالله الفجرة بيزقوا - [00:13:44](#)

الباب عليه عشان مصممين انهم يدخلوا يجامعوا اللي جو له ضيوف وهم ملايكة ولا يدروا. انت متخيل الهوان اللي ممكن زي ما النبي قال وهواني على الناس. انت متخيل ان ممكن اهل الدين يهونوا في لحظة من اللحظات للدرجة دي. اما نام بيتشال كده ويترمى في

الماية. طب - [00:14:02](#)

في المية طب هيعوم. يبجي حوت يبعله جواه انت متخيل اي واحد تاني في اي لحزة دي خلاص ينهار. خلاص انت هتنتهار هتنتهار. ولكن سيدنا يونس يعلم ان الله قريب - [00:14:22](#)

يعلم ان ربنا لا يمكن يتخلى عنه. ويعلم ان مهما اتشد عليه دي رسالة ربانية عشان فيه حاجة غلط ومطلوب تتصلح. هو ده المؤمن بقى. الثاني بببأس. الثاني بيتقفل. الثاني بينهار. المؤمن اول ما يحصل له مرض ولا مشكلة. بس انا في حاجة غلط عملتها وربنا -

[00:14:36](#)

يعني هو ما عندوش تشخيص تاني. ما فيش حاجة اسمها ان ربنا سابني. ما فيش حاجة اسمها ان ربنا اتخلى عني. فيه حاجة اسمها ان ربنا بيصلحني في يوتيرن المطلوب ان انا اعمله فيه تقصير عملته هو فاهم ازاى عنده ما عندوش امية في ترجمة الرسائل الربانية.

اي حد تاني غير سيدنا يونس - [00:14:56](#)

كان ينهار فوراً خلاص انهيار. ده ده جوة بق الحوت لأ ده كمان ده ربنا بيصورك والحوت يبعله. والحب يعني فيه التقم وده بقى لقمة بقه ده لسه ده مش قمة الكرب ده لسه فيه حته تانية وهو كظيم. وهو في البلعوم بتوع الحوت مش عارف ياخذ نفسه اصلا -

[00:15:16](#)

بعد كده في مرحلة تالته بقى جوة بطن الحوت. في مرحلة تالته بقى. للبث في بطنه. ده دي ده ثلاث مراحل كل مرحلة القرآن بيتكلم عنها غير المرحلة الثانية وعن معاناة سيدنا يونس فيها وعن استغاثة سيدنا يونس بالله فيها. يعني الدنيا قاعدة تضيق تضيق تضيق

تضيق وهو ما فقدش - [00:15:36](#)

اتصاله بالله سبحانه وتعالى. وعارف ان ربنا قريب لا اله الا انت سبحانك اني كنت من الظالمين اقرب مغيث مش هيسيبك ابداه هو قريب منك هو قريب منك مش هيسيبك. سبحانه وتعالى. اقرب مغيث. النبي عليه الصلاة والسلام. ابو بكر يقول له لو نظر احدهم

احدهم تحت قدميه لرآه - [00:15:56](#)

فقال النبي صلى الله عليه وسلم في صحيح مسلم او البخاري. دي رواية مسلم او البخاري. اسكت ابا بكر ما ظنك باثنين الله ثالثهما

وانت واحد صاحبنا وهو داخل الامتحان خائف واحد صاحبنا ثاني بيقول له يا عم هو انت اللي داخل الامتحان ولا ايه - [00:16:19](#)  
هو حاسس ان ربنا معه. حاسس ان ربنا مش هيسيبه. حاسس ان ربنا مش هيتخلي عنه. وان كان ده معنى ثاني للقريب هناخده لسه  
ان شاء الله بازن الله. ممكن بكرة مسلا بازن الله سبحانه وتعالى - [00:16:37](#)

الا ان احساس ان ربنا قريب اوي منك. تخيل ربنا بقى مش رئيس جمهورية قريب منك. مش ملك من ملوك الخليج قريب منك مش  
اكبر دكتور في تخصص ربنا بكل اسماؤه الحسنى بكل جلاله وجماله وجماله قريب - [00:16:47](#)

يعني انت متخيل انت عايز ايه بعد كده ؟ بعد ازن اسم الله القريب بيحل لك كل مشاكل حياتك. اسم الله القريب بيغير لك المود  
بتاعك اصلا بيغير لك طعم الدنيا اللي انت عايشها - [00:17:07](#)

بيغير لك طعم الحياة انك تلاقي حد حاسس بك من الناس بيغير لك طعم حياتك انك انت تلاقي حد حاسس بك وفاهمك وبيستوعبك  
ومقدرك يغير لك طعام واقف معك وسندك وفي ضهرك وما بيسيبكش وما - [00:17:18](#)

يغير لك طلب اسم الله القريب يغير لك طعم حياتك ولله المثل الاعلى. سبحانه وتعالى نكمل المعنى الثاني بقى. ان شاء الله بازن الله  
غدا ونستأنف موقف المعاني في اسم الله - [00:17:33](#)

اللهم يا قريب يا مجيب. اللهم صرنا اليك. اللهم خذ بنواصينا اليك. اخذ الكرام عليك. اللهم احي قلوبنا بمعرفتك اللهم احي قلوبنا  
بمعرفتك. اللهم املأ قلوبنا بما ملأت به قلوب الصالحين. واعمر صدورنا بما عمرت به صدور الصديقين - [00:17:43](#)

اللهم ما انزلته على عبادك المؤمنين المتقين المحسنين الموقنين في رمضان من فتح ونصرا ومدد نور وعلم وبركة وحفظ فاجعل لنا  
منه اعظم حظ ونصيب. يا من ملأت رمضان نفحات يا من لك في كل ليلة اعتقاء من النار. يا من تستجيب دعاء عبادك في كل يوم -

[00:18:03](#)

يوم وليلة يا ذا العطاءات المنهمة يا اكرم الاكرمين يا رب العرش العظيم اللهم لا تجعلنا من المحرومين في رمضان. اللهم لا تجعلنا من  
المحرومين من هذه النفحات اللهم يا من اعتقت رقاب عبادك من النار. اعتق رقابنا من النار. الله - [00:18:33](#)

اللهم يا من عفوت عن عبادك في رمضان اعفو عنا. اللهم يا من استجبت دعاء عبادك رمضان استجب لنا واغفر لنا وارحمنا واهدنا  
وارزقنا بنا واجبرنا وارفعنا اللهم انا نسألك من كل خير سألك منه عبدك ونبيك محمد - [00:19:03](#)

ونعوذ بك من كل شر استعاذ بك منه عبدك ونبيك محمد. اللهم انا نسألك من الخير كله عاجله واجله. ما علمنا منه وما لم نعلم. ونعوذ  
بك من الشر كله - [00:19:35](#)

عاجله واجله. ما علمنا منه وما لم نعلم. وانت المستعان وعليك البلاء ولا حول ولا قوة الا بك. اللهم زدنا ولا تنقصنا. اللهم اكرمنا ولا  
تهنا. اللهم اعطنا ولا تحرمنا. اللهم - [00:19:55](#)

ولا تؤثر علينا. اللهم اهدنا ويسر الهدى الينا. اهدنا في من هديت في من عافيت تولنا فيمن توليت تباركت وتعاليت. تباركت وتعاليت لا  
يعز من عاديته ولا يذل من واليته. سبحانه اللهم وبحمدك - [00:20:25](#)

اشهد ان لا اله الا انت استغفرك واتوب اليك في مصاحف يا اخواني في الله مصحف بالتفسير. مين يختم فيه خاتمة ويقرا التفسير  
بتاع الشيخ مصطفى العدوي اللي هو المعاني الكلمات اللي على الهامش - [00:20:52](#)

قبل رمضان. طب انت خدت امبارح الشاب الازرق مين يختموا خاتمة؟ خدت امبارح. انا فاكر احنا عايزين اللي ما خدش لسه. اتفضل.  
اللي خد امبارح يا اخواني ما ياخدش النهاردة ثاني - [00:21:06](#)

ما انت خدت برضو امبارح. حضرتك اتفضل هناخده وهتقرا المعاني الكلمات طيب حضرتك اتفضل. و حضرتك حبيب قلبي انت مش  
خدت امبارح ؟ اه ما هو احنا آآ يعني ايه بكرة بقى ان شاء الله بديك هتصلي معنا بكرة - [00:21:21](#)

يلا بنا - [00:21:38](#)